



Aqqalu C. Jerimiassen

UKA 2020/111

Atassut

5. November 2020

Kalaallit qimmiat qimuttoq illersorniarlugu kalaallit qimmiannik qimmiutilinnut nerukkaatissarsiutaanut akileraartarnikkut ilangaammik pilersitsisinnaanerup pittaaqutai ajoqqutaalu pillugit Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Doris J. Jensen, Siumut)

Qimmeq qimuttoq qineqqusaarutissiaangilaq, qimmiutillillu asuli qulaaniik nutaamik qujangequsaarummik taamaannak nerlersorniarneqassanngillat.

Qimeqarneruna piumassuseqarluarluni uummateqarfingalugu ingerlatassaq, qimmeqarnerpummi pillugu immikkut nalunaarsorneqarluta pisalerniarutta eqqumiippallaassaqqimmat, savaateqarnermummi ataatsimilluunniit qimmeqarneq assersuunneqarsinnaangilaq.

Akisussaaffeqarnissarput nammineq toqqartarparput qimmeqarniaraangatta, taamannak Europamiunut (kopeererpalaartigisumik) iliorniarnissaq qimmilimmut ataqqinassusiiataannaassaaq. Minnerunngeqisumillu, nunatsinni eqiterussilluni allaffissornerujussuarmut ingerlanneqareertumut qaatavitigut suliakkersuutaassaqaqaluni, aningaasartuutigisimasatummi nalunaarsuinissami allaffissornikkut sulisoqarniarnikkut, taamatuttaarlu qimmiuteqartut allaffissortariaqalernissaannik malitseqaangaassammat.

Qimmeqarneq aamma asuli politikikkut qineqqusaarutigisalersimangaanni, politikimi sulinermi siunnersuutissaaleqilluinnalernermik qujagequsaarnermilluunniit malitseqaannalersimassaaq.

Nunami maani innuttaasugut eqiterussillu allaffissornerujussuakkut ipitipajaaqqareerpagut, sulilu allaffissorneroqqinnissamut aningaasartuutissanik ilaartuinissamut ila nukissaqarpugut? Suna taava tullinnguuluguaat akitsuusillassuisiuk taamannak aningaasanik nalilimmik siunnersuuteqarussi?

Aningaasamuna pisissutigisinnaanera nunatsinni annertusangassarigipput, inuttaasut annerpaamik aningaasaq tigusartik pisissutigisinnaanissaamut atorsinnaasariaqarpaat, akitsuutit, ilanngaatit allallu piunnaarlugit akileraartarnikkut akitsuusersuinikkullu oqilisaanitsigut ilanngaateerarpassuurtut pututut taaneqartartorpassuit piaannarsinnaangaluaqaagut, nipittartuararpassuarnimmi pilersuiniartuaraluarutta inuiaqatigiinni atungassat pitsanngungaarunnanngilagut. Immaqalunniinuna siunnersuuteqartup qimmeqarneq piniarnermut allagartaqarnertuulli kalaaleq A-mut B-mullu immikkoortillugu allagartaqalertinniarnarlugu? Tassami maanna takusareerparput, nunatta pissarititai inuiaqatigiit tamarmik atorluarsinnaasarlu

piniakkat, nunaqqatigiit ilutsinni allaffissornikkut innutaasut A-mut B-mullu inissinneqartalersimasut. Tamannalu Atassummiik orniginngeqaarput.

Aningaasap pisissutigisinnaanera qaffassarneqarneratigut qimmeqarneq akikinnerulersarneqarsinnaavoq, nerukkaatissallu avataaniik eqqussorniaannarunnaarlugit, aalisakkat imartatsinni aalisarneqartut avammut tunineqarsinnaanngitsutut nalilikkat Royal Greenland suleqatigineratigut nunatta iluani qimmiutilittatsinnut tunisassiarineqalersinnaangaluarmata, tassuunakkullu nunatta pissarititaanik atuilluarnertaag anguinnarsinnaangatsigu.

Taamatut Atassummiik oqaaseqarluta qulequtaq allannguutissatut siunnersuuteqarfigiumavarput imannak:

” Kalaallit qimmiat qimuttoq illersorniarlugu nunatsinni nerukkaatissanik avataaniik eqqussuineq annikillisarinarlugu aalisakkat aalisarnermi qaqitat avammut tunineqarsinnaanngitsutut nalilikkat qimminut qimuttunut nerukkaatissiarisalersinnaanerannut pittaaqutai ajoqqutaalu pillugit Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut.”